

欽定中樞政考

欽定中樞政考目錄卷之四

綠營

水師 河營附

各省水師題調缺

豫行保舉水師人員

試用水師人員到省認真試驗

水師不准改調陸路

水師副將迴避本省

水師輪缺

開浙兩省水師人員通融題補

水師分缺

江西九江鎮水師營分別統轄拔補

水師河營官員陞轉

水師人員分發題補

呈改水師

水師人員降調補用

廣東陸路官弁改補水師

昆明湖委署千總把總

保送水師千總

拔補水師千總把總

拔補舟師外委

水師効力

河標各營題缺

東河都司缺出准將協辦守備題補

河營將弁隨時撤回

河營千總俸滿

直隸山東保送河營千總

北河千總俸滿保送分別營衛

東河千總俸滿保送分別營衛

拔補河營千總把總外委

各省水師題調缺

一 直隸新城營參將守備大沽營守備俱係外海水師題補之缺

一 江南吳淞營川沙營各參將守備蘇松鎮標中左奇三營狼山鎮標右營各遊擊守備蘇松鎮標右營都司守備柘港營都司南匯營都司守備俱係外海水師題補之缺

一 江南京口協太湖協各副將遊擊都司守備提標右營狼山鎮標中營劉河營福山營廟

灣營鹽城營各遊擊守備狼山鎮標左營都  
司守備京口水師營東海營佃湖營各都司  
俱係內河水師題補之缺

一山東登州鎮標前營遊擊守備成山汛守備  
俱係外海水師題補之缺

一浙江提標右營溫州鎮標中左二營定海黃  
巖二鎮標中左右三營各遊擊守備瑞安營  
副將都司守備乍浦營鎮海營各叅將守備  
玉環營叅將右營守備昌石汛都司右浦汛

寧海左營各守備俱係外海水師題補之缺  
一浙江太湖營遊擊守備錢鼎營都司俱係內  
河水師題補之缺

一閩浙督標水師營叅將守備福建水師提標  
中軍叅將守備左右前後四營各遊擊守備  
海壇金門二鎮標左右二營各遊擊守備南  
澳福寧二鎮標左營各遊擊守備閩安協副  
將左右二營各都司守備銅山營烽火門各  
叅將守備臺灣澎湖二協各副將遊擊都司



守備艍舡營叅將滬尾水師守備俱係外海  
水師題補之缺

一廣東香山協龍門協各副將左右二營各都  
司守備澄海協副將都司左右二營各守備  
海口協副將中軍都司右營守備水師提標  
中軍叅將守備左右二營各遊擊守備平海  
營大鵬營海門營各叅將守備碣石鎮標中  
左二營各遊擊守備右營都司守備陽江鎮  
標左營遊擊守備右營都司守備南澳鎮標

右營海安營廣海寨各遊擊守備吳川營都司守備碭洲營都司東山營達濠營各守備俱係外海水師題補之缺

一廣東順德協副將左營都司守備新會營叅將守備水師提標前營都司後營遊擊守備俱係內河水師題補之缺

一廣東崖州營叅將守備缺出該督等揀選熟悉風土諳練水師之員題請調補

一廣東龍門協左營守備缺出該督等揀選熟悉

悉風土諳練水師之員題請調補

一湖北荊州營水師守備缺出該總督揀選精

明熟諳之員題請調補

一江南京口協江浙太湖協各內河水師副將

缺出該總督提督於川沙吳淞二營各外海

水師叅將內揀選題補川沙吳淞二營叅將

缺出該總督提督於通省內河外海遊擊內

一體揀選題補其內河水師遊擊該總督試

看宜於外海者題明准其掣補外海水師叅

將倘不能熟悉外海情形長於陸路者題明以陸路補用

一浙江錢塘內河水師都司缺出於內河水師人員內掣補題補如內河水師未得其人卽以外海水師人員借補此項借補人員遇應陞時仍以外海陞用

一臺灣水師武職缺出卽於臺地所屬水師人員內揀選題補仍按各省水師人員歷俸一年之例辦理如無合例可題之人再於內地

各營內揀選熟習風土之員題請調補均無  
論在臺曾否陞轉各按本任歷俸五年之後  
准其陞補內地所遺之缺仍以臺地人員揀  
補如水師遊擊係籍隸本省者准其扣足五  
年後豫行保舉掣陞廣東外海水師叅將  
如廣東省並無水師叅將缺出亦准以本省水師叅將掣補其餘水師人員  
均毋庸豫行保舉

一各省外海內河水師題補缺出該督等將材  
技優長諳練水師之員保題請補

豫行保舉水師人員

一各省外海內河水師題缺該督撫提鎮將才  
守兼優熟悉水師者豫先公同選擇合詞保  
題其有事故者除失察大盜革職留任戴罪  
圖功之員不准保題外如係降職降級住俸  
降俸及永追督催未完等案俱於保題本內  
將事故聲明兵部查明引

見未滿三年與例相符者俱題明註冊其未經引

見及引

見已滿三年者俱題明調取引

見陸續送部恭候

欽定照例註冊俟有本省題補缺出按應陞之缺掣  
籤補用其任內有緝捕盜匪催追錢糧叅限  
已滿一切失察公罪隨案完結並無展叅者  
均一體掣籤陞補仍將處分之案帶於新任  
俟扣滿年限照例題請開復其有展叅事故  
尚未限滿及私罪議處雖應降留完結尙未  
開復并親喪未滿者仍俟展叅限滿私罪開

復及扣算服滿再行掣陞

保題時有降留事故并註冊後續有

事故均盡

一辦理

至註冊後已滿三年未經掣補者

該總督提督再行考驗如仍堪陞用咨部掣

補如弓馬技藝不及卽行咨部將豫保之案

註銷

一各省水師員弁先儘歷俸已滿一年以上者

揀選保送如合例之員不敷保題准於未滿

年限員弁內揀選保題註冊其掣補時先將

歷俸一年以上者掣補如無一年以上之員



再將未滿年限員弁內掣籤陞署仍俟扣滿  
一年再行題請實授

一 本省水師遊擊有人材出眾堪膺豫選以備  
掣補叅將者該督撫等保題註冊後有籍隸  
本省者福建與廣東互相調掣江蘇與浙江  
互相調掣安徽人以江蘇叅將掣補如應用  
缺出並無籍隸他省之豫保應掣人員在將  
籍隸本省之隔府別管豫保註冊之員掣補  
其都司守備千總豫保註冊後遇有隔府別

營缺出掣補

一直隸天津鎮外海水師叅將一缺守備二缺  
叅將缺出將江蘇省豫保註冊之遊擊掣補  
守備缺出將籍隸他省及隔府別營人員揀  
選題補如果乏員該督題請到部亦以江蘇  
省豫保註冊之千總掣補至天津水師各員  
內有人材出眾堪膺豫保者該督保題註冊  
後叅將掣補廣東之缺守備千總以江蘇省  
都司守備之缺掣補如有籍隸本省人員照

各省互相調掣之例調掣

一山東登州鎮標前營外海水師遊擊一缺缺  
出該省並無外海水師都司行文該撫將籍  
隸他省及隔府別營守備內揀選堪勝任者  
越缺保題陞補送部引

見恭候

欽定如守備內不堪勝任該撫題請到部以隣省江  
蘇豫保註冊之水師都司掣補守備二缺缺  
出將籍隸他省及隔府別營人員揀選題補

如果乏員該巡撫題請到部亦以隣省江蘇  
豫保註冊之水師千總掣補其水師遊擊守  
備內有人材出衆堪膺豫保者該巡撫保題  
註冊後以隣省江蘇叅將都司調掣如係江  
蘇人卽照江蘇本省遊擊之例以浙江叅將  
調掣如江南叅將缺出無籍隸他省之應保  
應掣人員亦准以籍隸本省之員掣補  
一豫保人員遇有應掣缺出先將前次保題之  
員掣補完日再將其次保題之員掣補如前  
次保題之員遇有丁憂事故過缺服滿開復

後准其先行坐掣陞補

一豫保官員如於未經引

見之前遇有革職留任事故兵部將伊豫保之處扣

除

一各省豫保人員因甫經引

見題明註冊者掣陞得缺時兵部查明距前次引

見已逾三年者題明調取引

見恭候

欽定

一各項豫保人員遇有應行掣補之缺適該省將該員題陞到部如業經掣籤得缺卽將所題之缺行文另行題補如在未掣籤以前仍准題陞其應掣之缺另將豫保人員掣補

改用水師人員到省認真試驗

乾隆五十六年十一月內奉

上諭兵部題覆廣東候補都司利振紀守備黃斌全在部呈改水師到省試驗未嫻准咨照例議以降一級調用一本業照部議降調矣該都司等在部呈請生長海濱熟悉水師到粵後經福康安卽行試驗均未諳習據實咨部辦理自係福康安覈實試驗不肯任其冒濫貽誤辦理尙屬公正因思此等人員或因在部候補待命圖得缺較早兼回原籍及水師陞途便

捷隨冒昧呈改迨發往各省後各督撫以候補人員  
一時未能得缺不卽行試驗致令該員等冒濫充數  
殊非覈實辦公之道嗣後各督撫遇有此等呈改水  
師人員分發到省務須認真試驗除實能諳習水師  
情形者方准留標補用外如有本不諳習濛混呈改  
之員卽據實咨部辦理毋得稍存姑息致滋貽誤欽

此



水師不淮改調陸路

嘉慶五年二月內奉

上諭朕恭閱

高宗純皇帝實錄內恭載

世宗憲皇帝諭旨武弁中熟習水性之人甚爲難得著  
通行傳諭若係水師中爲平常之員而長於陸路者  
准其調補陸路若係長於水師之員則應留於水師  
題補不可因陸路一時需人輕爲改易以致用違其  
長

皇祖聖諭煌煌復蒙我

皇考重申垂訓誠以水師之用原與陸路迥殊必得熟習水性者方能履險如夷知所趨避若將水師得力之員調赴陸路不特舍其所長用其所短而洋面舟師驟易生手於巡防無益關係甚重現在各省海洋每有緝捕之事更須練習水軍以裨實用著各該督撫提鎮等於所屬武弁詳加體察若果通曉水師者不得輕調陸路使之專心練習卽朕擢用提鎮大員亦必核其本係水師陸路分別簡任庶收隨材器使

之效欽此

欽定中樞政考

卷四

水師

十四

水師副將迴避本省

一水師副將缺出本省之人不准題補本省之

缺參將缺出先儘籍隸他省之員揀選題補

如無他省之人可題准其於本省隔府別營

人員內題請陞補

互見開列  
水師門

一水師遊擊都司守備缺出於隔府別營人員

內揀選題補至廣東省內河水師守備缺出

先儘隔府別營人員內保題陞用如無合例

可題之員准於籍隸本府人員內題請陞補

其由本營兵丁出身者仍不准保題

一福建浙江廣東江南外海水師遊擊缺出如都司內無合例可陞之員准於守備內越缺保題陞補送部引

見恭候

欽定其豫保守備內該總督提督酌量該員人材技藝或堪以都司掣補或堪以都司遊擊兼行掣補於題本內據實詳細聲明恭候

欽定

水師輪缺

一各省水師副將叅將遊擊都司守備缺出豫保人員與應題人員相間補用其請改水師人員補缺時仍與現任應題人員相間補用

一水師缺出遇輪用應題人員先儘歷俸一年

以上者揀選保題實授如合例人員不敷保題准於未滿年限員弁內揀選保題陞署仍俟扣滿一年再行題請實授

閩浙兩省水師人員通融題補

一福建浙江兩省水師副將參將遊擊都司守備應題缺出如果本省無合例之員准其於兩省通融題補給咨赴部引

見恭候

欽定

水師分缺

一內河水師叅將遊擊都司部選缺出於現任  
內河水師人員內較俸陞轉如無合例應陞  
之員卽行文各該督撫題補此內遊擊一項  
無合例可題之員於現任內河守備內遴選  
熟悉水師之員通融題補出具切實考語給  
咨送部引

見恭候

欽定



一內河水師守備應選缺出以第一缺補用水

師年滿保送千總

回任候題千總與甄別改爲候推之千總統較引

見日期先後補用第二缺補用水師卓異千總再有

缺出照此相間輪用如兩項俱無行文該督於現任水師千總內揀選合例人員題補

江西九江鎮水師營分別統轄拔補

一江西九江鎮水師營守備歸九江鎮後營遊擊統轄

一江西省南湖水師營千總缺出准以本營兵丁出身之弁拔補

水師河營官員陞轉

一各省外海水師及河營官員俱聽該總督提督酌量題補其水師俸滿人員遇有應陞缺出該總督提督卽行題陞

水師人員分發題補

一外海水師人員奉

旨交部推用者副將一項兵部將該員隣近有外海水師題缺省分開單進

呈恭候

欽定其叅將遊擊都司守備兵部發往該員本籍令該總督提督於隔府別營照伊應用之缺酌量題補如本籍無外海水師可題之缺亦將該員隣近有外海水師題缺省分開單進

呈恭候

欽定

呈改水師

一在部候補候選之直隸江南浙江福建廣東  
山東陸路人員內有素習水性願改水師者  
赴部呈明將該員帶領引

見請

旨發交該督撫飭令出巡將備帶赴外洋認真試驗  
酌以半年爲期如果諳習水務由巡洋將備  
出具印結該管總兵加具保結呈覆仍以到  
標之日起扣滿三年酌量補用如該督撫有

以不諳水師咨覆者即將該員照朦混具呈

例議處例載處分則其非水師省分及呈請

例考効門

改用內河水師者均不准其呈改

一各省陸路收用水師人員呈明該督撫發交

出洋試驗亦定以半年爲期如果諳習由出

巡將備及該管總兵加具印結題請改補以

題准之日起將該省改補水師人員並在部

呈改發往試驗期滿人員統計先後日期與

現任水師應陞人員相間補用其業經題補

之後倘有不諳悉水務者將冒昧出結之原

驗官并率行題改之督撫分別議處

文職咨吏部武

職例載處分則例考劾門

一世職雲騎尉恩騎尉有願改外海水師者於發標學習時豫先呈明隨營武舉在部呈明分發均分派外海各營隨同出洋巡哨扣滿三年如果明習水師由該督撫取具該鎮將保結分別送部引

見咨留雲騎尉恩騎尉均以分發到營之日爲始統



金匱要略卷之四  
三三  
限五年期滿後輪缺補用武舉俟咨留後輪  
缺拔補倘於外海不宜亦照朦混具呈例議  
處如不豫行呈明旣在陸路營分收標之後  
概不准復行呈改

水師人員降調補用

一外海水師人員及江南浙江廣東內河水師人員降調者俱留於該省補用毋庸調取引

見

一湖南湖北江西內河水師降調應補都司守備人員領文赴部兵部帶領引

見請

旨發往江南浙江廣東交與該總督與應補內河水師都司守備人員一體酌量題補

廣東陸路官弁改補水師

一廣東陸路將備內有情愿効力水師者於每年出洋巡哨時跟隨一同演習果能熟習水性可以發縱指使者以水師員缺陞調

一廣東陸路人員內有緝捕得力堪補內河水師者准該督隨時酌保遊擊都司各一員守備千把各二員先期出具切實考語奏明存記俟有內河水師缺出如無本項合例應陞人員卽將酌保之員題補

昆明湖委署千總把總

一 健銳營昆明湖委署千總五年期滿並無過犯善於操舟者由該管大臣出具考語咨部發回閩省以千總補用如情願再留一班移咨兵部轉行該省遇有該省水師千總缺出坐補至委署千總缺出由委署把總內行走勤奮者拔補其委署把總缺出由該管大臣於水手內考驗拔補賞給空銜金頂仍食本身錢糧協同千總操演均出具考語咨部分

別註冊給與委署劄付

保送水師千總

一水師千總俸滿該督撫提督詳加考驗保送

赴部兵部帶領引

見於隨摺內聲明請

旨發回原任以水師守備題補

此項內河保送千總如未經題補之先遇

有應選之缺仍照例選用見水師分缺例內

其外海水師千總俸

滿時該督撫提督嚴加考覈發交隔營統巡

大員帶領出洋試驗如果嫻習水務准其保

送或本營濫行補送及隔營扶同徇庇者均

即查參議處  
例載處分則  
例考劾門

拔補水師千總把總

一出巡外洋各弁兵令該管官於統領出巡時  
留心試看各驗水務緩急技藝高下分別等  
第詳記檔案不得專較騎射如一人能兼數  
技或能緝匪擒賊或曾遭風涉險均隨時記  
功遇有外委缺出秉公考驗將技藝多而記  
功又多者先儘拔補其將備千把外委等官  
遇有陞遷亦一體考驗各項技藝如並無一  
長足錄卽停其陞轉勒限一年演習一年限



滿仍不能熟習者卽分別予以降革如弓馬

尙屬可觀准其改撥陸路

拔補舟師外委

一江南蘇松狼山二鎮外海繪船舵工由該管將領遴選詳送如果熟悉海洋駕駛事宜准其給與舟師外委之牌照額外外委之例造冊咨部遇有經制外委缺出一體遴選拔補

水師効力

一福建廣東二省武進士舉人監生民人內有  
熟諳水性練習水師事宜願隨官兵出洋巡  
哨効力者該督撫豫先列名咨部果能擒賊  
立功該督撫查明保題引

見敘用

河標各營題缺

一直隸永定河營都司守備南運河營守備各員缺該總督揀選題補

一河東總河標中軍副將都司左營叅將守備右營遊擊守備濟寧城守營都司守備懷河營豫河營各都司守備運河營守備各員缺該河道總督揀選題補

一江南總河標中軍副將都司河營叅將淮徐河營淮揚河營各遊擊蕭場南岸河營豐場

北岸河營銅浦河營邳州河營睢寧河營宿  
遷河營宿虹河營桃源南岸河營桃源北岸  
河營桃源安清中河營邳宿運河營山清外  
河上營山阜南岸海防河營山清裏河上營  
高堰河營山圩河營高寶運河營揚河江防  
河營山安上河營葦蕩左營右營葦蕩營船  
務營海安北岸河營海阜南岸河營外河北  
岸河營各守備員缺該河道總督揀選題補  
一河營將備員缺以熟習諳練河工之員題補

其河標將備題缺揀選材技優長諳練地方之員保題請補

一河東河標將備缺出先儘本標人員題請陞補如本標實無合例可陞之員准其於山東撫鎮各標內揀員陞調

一河營叅將遊擊守備內果有弓馬優嫻長於營伍者該總河豫行出具考語造冊送部查核遇有河標應題相當之缺亦准其酌量題

補

一直隸河營守備如有實心任事大有成效兼  
通騎射操防者該總督保題送部引

見可否以陸路都司陞用之處恭候

欽定

一河營將備不拘本省之人俱准其題補

東河 缺出准將協辦守備題補

一河東河 司缺出先儘正任守備揀選題

補如俱有降革停陞親喪等項事故實無合  
例之員准該督詳切聲明於協辦守備內遴  
選請補送部引

見恭候

欽定

欽定中樞政考卷四

水師

聖



河管將弁隨時撤回

一河管將弁等官如有入地未宜及辦理工程未能裕如者准該督等隨時撤回另補所遺員缺揀選熟諳河務之員保題

河營千總俸滿

一河營千總六年俸滿該河督照各省千總之例詳加甄別如有熟悉稽埽勤敏盡職者遇有守備缺出揀選題補庸劣衰邁者勒令休致其餘咨明兵部留工効力俱免其送部入於歲底彙題

直隸山東保送河營千總

一直隸山東河營千總俸滿保送到部兵部復  
加考驗如果人材出衆熟諳河務能嫻騎射  
者帶領引

見或以營缺用或以衛缺用之處恭候

欽定如年力精壯諳練河務不能弓馬者於引

見隨摺內聲明或以衛缺用或回原任以河營守備

題補之處恭候

欽定

北河千總俸滿保送分別營衛

乾隆五十三年四月內奉

上諭向來山東河營汛弁有俸滿保送分別營衛陞用之例而北河額設千總向無此例未免偏枯嗣後北河額設千總已屆俸滿如果有防汛實心奮勉出力者著照山東河營汛弁之例照例分別等第送部帶領引見欽此

東河千總俸滿保送分別營衛

一山東濟寧泇河二汛管河千總五年俸滿該  
河督照各省千總之例詳加考驗如有防汛  
實心奮勉出力舉濤保送者出具考語給咨  
送部兵部帶領引

見或以營缺用或以衛缺用之處恭候

欽定其年力未衰尙堪造就者准其留任咨部換給  
劄付庸劣衰邁者勒令休致入於歲底彙題

拔補河營千總把總外委

一河營千總把總缺出先儘別營熟諳工程之人拔補如別營一時不得其人准於本營目兵內揀選考拔兵部查明部冊有名與例相符者按月彙題請

旨給與劄付

如該督撫將部冊無名之人拔補者處分與拔補千總把總之例同例載處分

則例考

勅門

一江南河營外委協防七十二員葦蕩船務二

營外委協防十員俱給與外委頂戴遇有把

金匱要略卷之四十一  
總缺出揀選拔補河營外委効用一百四十  
四員葦蕩船務二營外委効用十七員亦准  
給與頂帶遇有外委協防缺出揀選拔補該  
總督按季報部以上各員俱食本身糧餉毋  
庸給與隨糧

欽定中樞政考目錄卷之四

綠營

門衛

陞用門千總出具考語

捐納衛所試用人員限年補用

俸滿留任衛千總隨漕引

見

衛所備弁推陞未完錢糧離任督催

衛所繁缺調補



現任衛所千總調取分別營衛

衛所官員親老改補近省

運滿千總分別等第

武舉隨幫効力

衛所官員降調補用

陞用門千總出具 語

一門千總歷俸五年 以步軍統領等出具考語

送部引

見分別營衛後兵部註冊 歸人單月分應陞班較俸  
陞用至以衛守備用之門千總如未陞用以  
前遇有該旗步軍校缺出由步軍統領咨送  
該旗仍准其一體考驗人材以馬揀選帶領  
引

見補放

捐納衛所試用人員限年補用

一捐納分發試用衛守備守禦所千總由現任千總及武進士出身者毋庸定限學習由武舉武生監生出身者俱定限試用一年始准題補其捐納分發試用衛千總俱俟到標後學習一年方准補缺各項人員至應補時俱按到標先後補用

俸滿留任衛千總隨漕引

見

一衛所千總俸滿堪以留任於輪值押運之年  
該漕督考驗出具考語給咨隨漕赴部引

見

衛所備弁推陞未完錢糧離任督催

一衛守備守禦所千總應陞都司守備時有經手錢糧經徵不及一分至一二分以上未完者於推陞本內聲明扣除令其離任協同新任官徵收完日開復赴部補用兵部帶領引

見恭候

欽定

論所繁缺調補

一江南之鳳陽長淮江淮興武蘇州鎮海鎮江  
大河揚州浙江之杭嚴嘉湖湖北之武昌武  
昌左衛湖南之岳州山東之濟寧德州等衛  
各守備江南之長淮衛頭幫建陽衛寧太幫  
江淮衛五幫七幫八幫興武衛三幫四幫六  
幫七幫八幫鎮江衛前幫後幫大河衛三幫  
揚州衛三幫江西之贛州衛幫袁州衛幫吉  
安所幫永建所幫湖北頭幫湖南頭幫浙江

之紹興衛前幫後幫溫州衛前幫後幫處州  
衛前幫後幫台州衛前幫蘇州松江常州嘉  
興湖州白糧幫金帶所幫嚴州所幫各千總  
俱屬事務繁雜如遇缺出該總漕於事簡衛  
守備衛千總內揀選才具優長並無事故之  
員具題調補俟議覆奉

旨後發給劄付令其赴任至衛守備調繁所遺簡缺  
准將漕標各項候補衛守備在外題補一缺  
由部候選人員選補一缺其衛千總調繁所

遺備缺儘歸在漕標各項候補衛千總  
題補其繁缺衛守備千總缺出定限三個月  
具題調補如有遲延交吏部計違限月日等  
處

一衛所備弁催漕出力保奏奉

旨儘先陞用人員俱以衛所簡缺按奉

旨名次先後與各例各班人員相間輪補不得仰佔

繁缺

衛守備除儘先人員不計外每逢本班  
輪用二缺後用揀發一人衛千總除儘

先人員不計外每逢本班  
輪用二缺後用留標一人如所保各員本係



儘先之員仍按前次奉

首先後名次輪補如有分外出力者准該督於保奏  
時聲明歸入儘先班內先行陞用不得更佔  
正班之缺此項儘先人員如遇該員本班到  
班亦准其補用

現任衛所千總調取分別營衛

一衛所千總歷俸五年爲滿由漕運總督扣算  
年限於俸滿後勒限三個月該督詳加考驗  
出具考語給咨送部如保送之舟輪應出運  
准其於次年押運抵通交糧完竣後再行赴  
部帶領引

見或以營缺用或以衛缺用恭候

欽定兵部註冊後歸班推用

衛所官員親老改補近省

一漕運現任衛所守備千總內有以親老呈請改補近省者該漕運總督查明如係繁缺卽於該員原籍近省現任繁缺內選員對調如係簡缺卽將該員咨送兵部俟到部投供後遇有該員原籍近省選缺不入班次卽行銓補如有藉稱親老希圖改補情弊漕運總督卽行查參照規避例議處

例載處分則  
例考劾門

一漕運衛所繁缺守備千總內有因親老以近

省員缺對調者

均停其陞轉

服滿後無論原缺曾

否續調有人卽與原缺人員互相調回至簡  
缺人員仍照月選各官之例俟原缺缺出坐

補

運滿千總分別等第

一領運千總運滿時分別等第保送赴部

見漕運門

一等以衛用者入於衛守備一議敘班內陞用二等以衛用者入於二議敘班內陞用如以營用者均歸單月營守備班內陞用至三等之員運滿報部准其加級紀錄仍歸俸深班內陞用不准入議敘班如係衰庸懶惰之員卽行咨部分別勒休革退

武舉隨幫効力

一總漕標下需用隨幫人員該總漕開明人數咨請到部兵部於候推守禦所千總併已經揀選以衛千總推用之滿洲蒙古漢軍漢人武舉內情願隨幫効力者令其具呈各取具同鄉京官印結並該旗圖結存案照該總漕咨請名數掣籤給與執照分發漕標遇頂補隨幫之時總漕咨部給劄三運報滿並無貽誤除照常供職者照例咨部歸班推用外其

中果有實心辦公熟悉漕務之員令該漕督  
出具切實考語送部兵部帶領引

見恭候

欽定發回漕標自備資斧効力三年之後遇有調補  
所遺之缺題請補用

一隨幫武舉掣定幫次之後除微疴不准請假  
外其有患病沉重請假回籍調治者委員驗  
看取具印甘各結咨部准其回籍調理所遺  
隨幫原缺另行掣補管押俟該弁病愈之日

仍以原幫補用



衛所官員降謫補用

一降級調用衛所官員衛守備降一級補守禦  
所千總守禦所千總降一級補衛千總衛千  
總應降一級降二級調用者分發漕運總督  
以漕標所轄之把總外委分別拔補如應降  
三級調用者卽行革選其未經揀選之武舉  
係無級可降之員不准發漕標効力

欽定中樞政考目錄卷之四

緣營

邊俸

邊俸陞轉

邊俸人員委署日期分別扣算

朔煊地方調補

邊俸千總把總俸滿

邊俸陞轉

一甘肅伊犁鎮總兵係五年俸滿之缺

見開列門

一甘肅烏嚕木齊提標中軍參將守備左營遊

擊守備右營都司守備烏嚕木齊城守營都

司守備巴里坤鎮標中左右三營各遊擊守

備巴里坤城守營都司伊犁鎮標中左二營

各遊擊守備右營都司守備霍爾果斯營參

將守備巴燕岱營都司塔爾奇營守備瑪納

斯協副將左右二營各都司守備安西協哈

密協各副將都司沙州營濟木薩營各叅將  
守備庫爾喀喇烏蘇營遊擊守備古城營靖  
逆營各遊擊赤金營卜隆吉爾營塔爾納沁  
橋灣營鞏寧城守營精河營各都司木壘營  
喀喇巴爾噶遜營各守備俱係五年邊俸之

缺

四川維州協副將都司守備茂州營都司漳  
臘營叅將守備松潘鎮標中左二營疊溪營  
各遊擊守備松潘鎮標右營都司南坪營都

司平番營教邊左營馬邊營各守備俱係五  
年邊俸之缺

一四川懋功協副將都司綬靖營遊擊守備崇  
化營都司撫邊營慶寧營各守備俱係二年  
邊俸之缺

一雲南維西協龍陵協各副將都司守備鎮雄  
營廣南營東川營各叅將守備昭通鎮標各  
遊擊守備騰越鎮標左營都司守備俱係五  
年邊俸之缺

一雲南普洱鎮標遊擊守備元江營叅將守備  
威遠營叅將守備順雲營叅將右軍守備俱  
係三年遞俸之缺

一貴州安義鎮標遊擊左營守備古州鎮標遊  
擊都司守備清江協上江協各副將遊擊都  
司守備都勻協副將左營都司守備右營遊  
擊松桃協副將左營都司守備石峴汛守備  
右營遊擊守備銅仁協副將都司守備永安  
協副將左營守備丹江營台拱營明洞營各

叅將守備長壩營下江營荔波營歸化營各  
遊擊守備冊亨營都司定廣協長寨營各右  
營守備俱係五年邊俸之缺

一廣西鎮安協慶遠協各副將都司守備新太  
協副將都司融懷營叅將守備思恩營遊擊  
守備三里營上思營各都司義寧協守備俱  
係五年邊俸之缺

一廣西義寧協副將都司右江鎮標中右二營  
各遊擊守備左營都司守備隆林營遊擊守

備上林營龍憑營爐轟營各都司東蘭營新  
太協右營各守備俱係三年邊俸之缺

一湖南沅州協乾州協永綏協永順協靖州協  
各副將宜章營桂陽營保靖營各叅將守備  
提標左營遊擊守備後營都司永州鎮標中  
左右三營各遊擊守備鎮筸鎮標中左右三  
營各遊擊守備前營都司守備綏靖鎮標中  
軍遊擊守備右營都司守備長安營綏寧營  
武岡營鎮溪營各遊擊守備永綏協乾州協



各都司守備沅州協永順協靖州協各都司  
河溪營都司守備古丈坪營都司辰州城守  
營都司守備晃州營芭茅坪各守備俱係五  
年邊俸之缺

一廣東欽州營叅將守備儋州營萬州營永靖  
營各遊擊守備俱係五年邊俸之缺

一廣東龍門協水師左營守備五年俸滿該總  
督提督會核保題遇有應陞缺出卽行題補  
一廣東崖州營水師叅將守備二年俸滿該總

督提督於內地所屬各員內揀選熟悉風土  
諳練營務之員題請調補前往更換果能整  
飭營伍地方靖謐任內並無停陞降級承緝  
等案回至內地該總督提督據實題明按伊  
應陞之缺卽行陞用

一 邊俸俸滿人員果能整飭營伍撫綏地方該  
總督提督考驗弓馬可觀年力壯盛者會核  
保題陞用兵部查明引

見已滿三年者調取引

見如辦事奮勉勤勞無過考其弓馬平常年力未衰者調回內地對品補用其伊犁所屬各員仍留本任毋庸調回內地俱照常俸陞轉將邊俸註銷毋庸送部引

見其循分供職弓馬不及年力已衰者卽勒令休致該總督提督等仍隨時實力稽查如有庸懦之員立卽糾叅不得因其年力未衰弓馬尙可姑容貽誤

一 邊俸俸滿陸路各員並無事故該總督提督

等會核保題陞用副將俸滿於開列總兵本  
內聲明叅將俸滿於開列副將本內聲明遊  
擊都司守備俸滿俱歸單月先行陞用

一駐防西藏臺站遊擊都司守備三年期滿由  
駐藏大臣奏明咨送各該員本省將軍總督  
提督考驗保核均照邊俸報滿之例辦理

邊俸人員委署日期分別扣算

一各省三年五年邊俸員缺應行署理者先儘  
常俸人員委署如五年邊俸之員委署三年  
邊俸之缺報滿時署任日期毋庸扣除若以  
三年邊俸人員暫行委署五年邊俸之缺及  
五年邊俸人員委署常俸之缺其委署日期  
該總督提督於報滿本內核實開除不得一  
體扣算

烟瘴地方調補

一凡烟瘴地方調補之缺若屬員內有可以題  
陞者該總督提督具題請

旨陞授如有應調之員仍行調補

邊俸千總把總俸滿

一貴州古州鎮標中左右三營清江上江都勻  
銅仁松桃五協左右二營丹江台拱朗洞三  
營左右二軍歸化下江荔波三營定廣協右  
營左哨長壩營左哨各千總把總安義鎮標  
分防馬鞭田汎白雲圭汎龍場汎巴林汎永  
安協分防關嶺汎募役司汎盤江汎冊亨營  
安南營右哨各千總俱五年俸滿如果年力  
壯健才技優嫻苗民安化地方靖謐照邊俸

例保送甘肅鞏寧城守營瑪納斯協左右二  
營烏嚕木齊提標各營濟木薩城守營伊犁  
鎮標各營庫爾喀喇烏蘇精河喀喇巴爾噶  
遜等營千總把總五年俸滿如果年壯技優  
屯差奮勉俱照邊俸例保送以上邊俸各員  
內如係尋常供職者仍照常俸之例千總六  
年俸滿把總照常考拔不准其概以五年報  
滿其五年俸滿千總該總督提督詳加考驗  
保舉送部引



見後發回原任候補於歲底彙題仍照各省千總之  
例三年甄別至五年邊俸報滿把總該總督  
提督以千總卽行收補

一四川懋功崇化綏靖撫邊慶寧各協營千總  
三年俸滿該將軍總督提督會同考核如果  
屯務操防奮勉出力董勸有方照邊俸例保  
送赴部引

見照例陞用其年力尙健循分供職者調回內地仍  
算常俸不准照邊俸陞用如年力衰老屯務

廢弛卽行叅處勒令休致